

Enwebwch eich prosiect a phobl treftadaeth am wobwr o £5,000

05/04/2023



Clive Gray o Blyth Tall Ships yn derbyn Gwobr y Loteri Genedlaethol gan yr hanesydd David Olusoga. Mae Gwobrau'r Loteri Genedlaethol yn cydnabod prosiectau rhagorol a ariennir gan y Loteri Genedlaethol a'r bobl ysbrydoledig sy'n gwneud i'r prosiectau hynny ddigwydd ar draws y DU.

Ers 1994, mae'r Loteri Genedlaethol wedi codi mwy na £47biliwn ar gyfer achosion da. O hyn, mae Cronfa Treftadaeth y Loteri Genedlaethol wedi dosbarthu dros £8.6bn i fwy na 49,000 o brosiectau treftadaeth ledled y DU.

Bob blwyddyn, mae Gwobrau'r Loteri Genedlaethol yn dathlu'r bobl a'r prosiectau ysbrydoledig sy'n gwneud pethau anhygoel gyda chymorth yr arian hwnnw gan y Loteri Genedlaethol.

Mae'r enwebiadau ar gyfer y gwobrau eleni bellach ar agor! Gallwch enwebu eich prosiect a gefnogir gan y Loteri Genedlaethol a'r bobl a wnaeth iddo ddigwydd mewn categorïau gan gynnwys:

- Prosiect y Flwyddyn
- Unigolyn Treftadaeth
- Unigolyn Amgylcheddol
- Unigolyn Cymuned ac Elusennol
- Arwr Ifanc (Dan 25 oed)
- Gwobr Cyflawniad Arbennig, sef gwobr newydd ar gyfer 2023 i anrhydeddu unigolyn sydd wedi mynd yr ail filltir

Pobl a phrosiectau eithriadol

Rydym yn falch o fod wedi cefnogi cynifer o enillwyr blaenorol, gan gynnwys:

Clive Gray, Blyth Tall Ships, enillydd 2022 yn y categori Treftadaeth

Roedd [Gwobr Loteri Genedlaethol Clive Gray](#) yn cydnabod ei arweiniad anhygoel ar Blyth Tall Ship, sy'n newid bywydau drwy hyfforddiant, gwirfoddoli a phrofiadau sgiliau treftadaeth forol.

Prosiect South of Scotland Golden Eagle, enillydd Prosiect y Flwyddyn Yr Alban 2022

Cafodd [cynllun cadwraeth arloesol](#) i adfywio poblogaeth yr eryr aur yn Dumfries a Galloway a Gororau'r Alban ei enwi'n Brosiect Loteri Genedlaethol y Flwyddyn Yr Alban yn 2022.

An Tobar CIC, enillydd Prosiect y Flwyddyn Gogledd Iwerddon 2022

Enillodd y [ganolfan lles a fferm gymdeithasol](#) yn Silverbridge, De Armagh wobr y Loteri Genedlaethol am helpu pobl ifanc i fforio treftadaeth naturiol a diwylliannol Brian's Wood.

Pollinating the Peak, enillydd Prosiect y Flwyddyn 2021

Roedd y prosiect, a leolir yn Swydd Derby, yn brosiect uchelgeisiol a gefnogwyd gan Gronfa Treftadaeth y Loteri Genedlaethol, [sy'n gweithio'n galed i adfywio niferoedd cacwn bwm](#) yn Ardal y Copaon.



Eryr aur o brosiect South of Scotland Golden Eagle drws nesaf i Wobr y Loteri Genedlaethol.
Credyd: Phil Wilkinson / Y Loteri Genedlaethol.

Enwebwch heddiw

Ewch i [wefan Achosion Da'r Loteri Genedlaethol](#) i gyflwyno'ch enwebiad ac archwilio'r holl categorïau yn llawn. Gallwch hefyd drydar [@LottoGoodCauses](#) gan ddefnyddio'r hashnod #NLAwards gyda'ch awgrymiadau. Mae gennych tan 12pm ar 16 Mai 2023 i wneud eich enwebiad.

[Enwebwch eich hoff brosiect](#)

Mae'r enillwyr yn derbyn £5,000 a thlws Gwobrau'r Loteri Genedlaethol. Bydd y rhestr fer o'r 16 o Brosiectau'r Flwyddyn yn cael ei gyhoeddi yn ddiweddarach eleni, a bydd ar agor i'r cyhoedd bleidleisio drostynt. Bydd enillwyr categorïau unigol yn cael eu dewis gan banel o feirniaid.



Ardebydd hwyf i'w gweld mewn ...



Project of the Year

The South of Scotland Golden Eagle Project has won a National Lottery award. Credit: Phil Wilkinson/The National Lottery



National Lottery Award-winning project

Ardal O'Hanlon presents the An Tobar team with their National Lottery Award. Credit: Bill Smyth Photography.

An Tobar is Northern Ireland’s National Lottery Project of the Year